

Հրավիրվածները հավաքվում էին տղայի տանը, որտեղ նրանց տրվում էր ճաշ³¹։ Եթե եկած հրավիրվածների մեջ կային իրար հետ խոտվածներ, նրանց անպատճառ հաշտեցնում էին³²։ Այդ նույն վայրկյանից փեսացուն արդեն կոչվում էր քնփվոր. մրկրոնէրն էլ նրա թիկնապահներն էին։

Հրավիրվածների ցրվելուց հետո տղայի տնից ուղարկվում էր աղջկա տունը հարկը՝ այն ամենը, ինչ որ խոստացված էր ճրճհապա կտրելու միջոցին, ապա քնփվորը ֆավորի և փեսախաղի հետ մակառնէրավ շրջապատված՝ զուռնա-ղավալով գնում էր հարսնացուի տան դուռը եզր³³ մորթելու։ Եզան վիզը դարձարված էր լինում խնձորների շարանով³⁴։ Այդ եզ մորթելը հեթանոսական ժամանակվա մատաղ՝ զոհաբերությունն էր, երևի աղջկա տան ոգիներին բողբոջելու։ Եզան հուկից գնում էր դասաբը՝ մասգործը։ Զուռնան նվագում էր, դասաբը վայր էր գլորում եզը, քնփվորն ու ֆավորն աչ ոտքերը դնում էին եզան վրա. դասաբը մի քանի կոպեկ նվեր առնելով ֆավորից՝ մորթում էր եզը։ Նախնական զոհաբերության այս մնացորդը պետք է բացատրել աղջկա տան ոգիներին և նրա նախահայրերին բավարարելու ցանկությամբ, իբրև վարձատրություն այն բանի փոխարեն, որ աղջկան տանում էին նրանց խնամքի տակից և այդպիսով զրկում էին նրանց գերդաստանը մեկ անդամից։ Վերջերքս եզը մորթվում էր տղատիրոջ տանը, բայց մորթելուն ներկա պետք է լինեին անպատճառ աղջկա կողմից ուղարկված մեկը³⁵։ Եզան կեսը տանում էին տղատիրոջ տունը։ Սրանով ավելի շեշտվում էր տղայի և աղջկա միջև հաստատվող կապը։ Եզան արյան մեջ թաթախած մատով ֆավորը խաշ էր նախշում քնփվորի ճակատին։ Արյան մեջ թաթախում էին կամ թելը կամ դաշույնի դանակը, կամ կողպեքը։ Թելը հանգուցում էին, դանակը ամուր խցկում էին պատշանը, կողպեքը կողպում էին և դնում քնփվորի գրպանը։ Այս գործողություններից յուրաքանչյուրն իր նպատակն ուներ՝ հանգուցադրել, կապել, կողպել ֆաշկէրին³⁶, որոնք կուզենային վնասել քնփվորին։ Հավանական է նույն նշանակությունն ունենալ այն կարմիր, կանաչ և սպիտակ թելերից ոլորած ճառագի կապելը, որը քահանան կապում էր եկեղեցում պսակադրության ծիսակատարությունների միջոցին քնփվորի և քնփուռու ձեռքերին կամ պարանոցին։ Նույնպես և այն օսկապը³⁷ ոսկապը — սպիտակ, կարմիր, կանաչ՝ ծիածանի գույների թաշկինակները, որոնք ֆավորիին կապում էր քնփվորի կրծքի և ուսերի վրայով խաշած և վերջապես այն հարսանեկան կօտին, որը ֆավորն էր կապում հարքնի՝ նորահարսի մեջքին նրա տանը, երբ նա պատ-

³¹ Ննջեցյալների հոգիների թաս՝ բարեմադրություններով։

³² Բեխ, Վաչագան։ Նույնն էր կրկնվում և ննջեցյալի թաղման ժամանակ։ Դա բխում էր այն նախնական մտածողությունից, թե գուցե մի արյունակից համայնք է, որի անդամների միջև չի կարող անհամաձայնություն և թշնամանք լինել։ Այդ ազգակցական միասնությունն երևան պիտի գար մանավանդ նոր ամուսնական զույգի համակցությունը և ներքին համաձայնությունն ամրացնելու նպատակով, և մյուս կողմից հանգուցյալ անդամին հուղարկավորելիս նրա կապը նախնիների հետ վերացնելու համար։

³³ Մեղրու բարբառով՝ իզը։

³⁴ Այստեղ կրկին հանդես էր գալիս խնձորը, որը, ինչպես և նուրը, բեղմնավորության նշան էր։

³⁵ Եթե միայն շաղ չէր լինում, այդ ներկայացուցիչը պահանջում էր, որ մի այլ եզ մորթվի։ Նույնպես, եթե հարկը չէր համապատասխանում նախնական պայմանագրությանը, աղջկա տերը պահանջում էր լրացնել, նույնիսկ ետ էր ուղարկում հարկը։

³⁶ Փաջը Մեղրու բարբառով՝ ֆաշկ։

³⁷ Մեղրու բարբառով՝ հոսպլէնք։